

大清光緒十六年

本館新開禮拜外日日出
紙諸君賜閱本報者無論
本埠外埠均可預致本館取
閱如外埠閱報須加寄費可
也除日報常刊送外復不
惜工本從英國採辦鉛書裁
紙各機器以待與各官商
刊印書籍單件並有英國各
體活字及各式花邊等延有
西人排印工藝其精所有中
西文字均能刊印前有石版
印字大小機器均用精工刊

第 二 千 四 百 八 十 七 號

報 叻

(號一廿第牌門口武巴舊在設開館本)

印工緻絕倫前延有文士書
寫各體文字現由上海購到
各種書籍出售其書目另行
刊佈所有各書價甚相宜再
本館所寄來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後 諸君來札尚祈
自諒更須寫實里而後敢
登但來稿登與不登均不能
將原稿收回也 本館謹白

庚寅二月廿三日

凡閱報者每月一元每日售錢五仙 大英一千八百九十三年三月三十號禮拜四 凡刊印告白第一日每一字一仙第二日以下每字半仙

新到各種奇書發售 ○啟者本館近由上海姑蘇等處採買各種奇異詩書及地輿圖誌等書
叻發售其書或銅板木板鉛板石板均無不有且字畫詩書等項尤繁多有叻地未嘗經見者其有益於世
道人心者實非鮮淺有非徒快耳目者比茲特以廉價出沽諒亦 諸君子所欲先購為快者也所有各書
目錄已另列單張附呈 鈞覽閱者 鑒焉
本館告白

再論本坡時症

本坡近來時疫盛行本報前已作原疫一篇以詳其症矣乃此症至今依然未已且較前尤覺其狂舉計本
坡各店無論何籍之人幾無一店有未為之傳及者如本報昨錄泉堂開訊之際而陪審人員亦多有患斯
症者是亦可見其盛行傳染之繁一至於此實為向所未有爰將所診各症細為推測則覺前之所言猶有
未能詳盡者爰再取其症而續言之按此症之起在西人則言即歐洲之疫漸傳及遠遂至香江再由港以
傳於叻中其言亦未嘗無理然愚按由歐洲所傳之說固良有之然因天時不正以致感觸而成者亦所不
免而其所感者則緣雜氣而來所謂雜氣之說則有兩端一曰正雜之雜如春則感溫而反熱夏則感暑而
濕秋則感燥而應寒此四時之正氣也反是則為雜矣春應溫而反寒冬應寒而反熱是為雜氣觸之最
易傷人一日災雜之雜如風熱暑濕燥寒各具一氣固無所謂雜也夫惟風而兼暑暑而兼濕或濕而又兼
風熱是為諸邪夾雜觸之亦最易傷人近來本坡時症之盛行實有觸此雜氣而致者試觀近來叻中天氣
每至失常暴熱暴涼令人不能猜測且其熱也則銷金燦石有一種毒癘之氣於其間與平常之熱有所不
同乃方熱極之時不轉瞬而又變為涼矣其涼也則刺骨侵肌有一種陰慘之象於其間與平常之涼亦不
所不同乃方涼極之時不轉瞬而又變為熱矣然則天氣或涼或熱竟令人有不可思議者其氣之雜也如
是則觸者每每致生疾病是有固然况夫其病更由他處傳來則觸之者惡得不因而致病哉細按本坡近
來所患之症其邪最為錯雜六氣之中除燥以外則五邪皆備如初起即覺頭痛發熱汗出惡風者風邪也
或身涼無汗頭項強痛而惡寒者寒邪也或口開齒燥小便澀然毛蕈者暑邪也或頭重體倦懶懶不欲食
者濕邪也或口燥便秘但熱無寒者熱邪也今之時疫要皆有之或祇見一二種或則諸病悉具惟各邪所
感之輕重緩急則有所不同是惟在審病臨時意為消息者至於諸邪襲人則不一其故而邪氣所入要不
外口鼻皮毛二處大抵為天時所感者則多在皮毛為病人所傳者則多從口鼻想叻地此症初起之際尚
有感觸天氣未經傳染者但近來此症已日盛一日幾於無人不染是則可知由傳染者為多蓋無病之人
誤觸病氣因為所染故初起之際而三陽之症遂一時俱見如頭痛發熱惡寒體痛太陽病也目痛口乾
澀汗出陽明病也口苦咽乾耳聾嘔逆少陽病也三陽之症一時俱見其故亦未嘗無因此緣病邪從口鼻
而入透於頭腦之間而諸陽之脈會於頭若腦既受邪則其氣遂由三陽之經一時俱達故無待傳變而三
陽之症遂於以畢陳此為近來時症初起情形至於日久漸傳則有不其故藥而誤者無論矣即其氣之
自然傳變則亦有不同固有如吳又可瘟疫論所謂由膜原以達胃中即不再傳於他處者此所謂萬物歸
復於土無所復傳也是為陽症又有如張長沙傷寒論所謂由三陽以達三陰表裏陰陽迴然相判者此所
謂由經入藏以漸而傳也是為陰症一陰一陽相去固有甚遠而其所以各有不同之處則實因從化不一
致致如斯大抵其人平素陽盛者則陽症為多平素陰盛者則陰症為多陰陽偏勝其氣從之此所謂從陰
化寒從陽化熱者此近來叻地時症之大概情形也至於主治之方則臨證設施非可為之預定者斟酌盡
善神而明之則又存乎其人矣

諭旨恭錄

○二月初二日奉 上諭前據御史愛興阿奏盛京戶部六品官松壽浮收勒索各
情當諭令定安查奏茲據查明覆奏此案筆帖式麟超於奉委查災輒敢向各莊頭索取差費並令預備公
館實屬貪婪不職據報病迷走失顯係畏罪潛逃麟超著即行斥革仍着該將軍嚴飭緝拿務獲究辦領催
馬世鳳味於莊頭應交差銀正款已完所欠雜款太多輒復任意勒措該官捏稟將莊頭段文舉等斥革情
殊可惡馬世鳳長秀馮天元均着將領催實革不准仍行充差六品官松壽核造被災分數查係照章辦
理雖無浮收情事惟於馬世鳳等稟不察虛實輒將該莊頭等呈堂斥革究屬粗疏松壽着交部議處餘

亞非利加事電音 ○二十日英京發來電報云亞非利加和米部會現忽以兵使取法國在亞非利加之地方乃該會大敗雖執有法兵六名而法國現已備文前往若其即將所獲法兵釋回更須罷兵請罪不然即當以大軍與之相見然雖如此在法國之意則實不欲取其地方也

參事局會議烟丸事錄 ○十八日本坡參政局諸員會同集議計其中到議者僅有六名其餘諸員則因染時症未能到議至於所議之事乃因本坡烟公司禁賣烟丸之事嗣諸員議論良久眾謀會同因定議稟請國家務須設法俾諸人得以售賣烟丸以戒烟癮勿致為烟公司禁止至於格致學堂一事則應俟下期再為集議云

審訊命案定期 ○本期臬署開堂決獄現輕島公示定於二十四日禮拜五審辦各命案以昭慎重云
輔政旋助 ○本坡輔政使司列君前者偕其夫人曾往檳城各節業經刊報現聞憲節已於廿一日偕其夫人由嶼乘坐施馬路官輪言返叻中說明日憲旌即行抵叻矣

泉案初紀 ○廿一日為本坡泉堂開訊之期此為新任本坡正按察使司鳥公第一次陞堂之日但本期所有陪審員多有適沾時症以故不能到堂陪審然此諸員等均有西醫函據為之請假至於昨日開堂之際即經鳥廉訪先傳到入犯五名到案訊問計所傳者為吳通李光明沙逸加心曾錦祥李振富五人到案之際鳥公即與宜明案由問諸人自知有罪否而諸人均稱無罪放鳥公即次第為之詳訊計是日所訊之案其一即為吳通竊案查該犯乃在小坡皇后街盜竊某鐵匠之器具嗣為暗牌公差所獲是日訊定後據陪審諸員均稱吳為有罪憲乃判罰卷查該犯於一千八百八十七年之際已疊犯盜竊及竊贓之案三起一年之內犯案已至如此其多則其平日行為可想而見非與以重懲不足為將來垂戒因命將犯監禁三年期滿出獄之時再由巡理府看管二年以示懲戒 其二為李光明剪綹之案訊定之後知罪有應得因判監禁二年期滿出獄之時再由巡理府看管二年 其三為沙逸加心盜案亦屬有罪因判監禁二年期滿後亦由巡理府看管二年

其四為曾錦祥盜案因証未詳顯然之故因判將被告省釋 其五為李振富行兇傷人一案訊定後判監禁一年 其六為莫亞六莫亞福二人拐帶小兒之案據被告供稱此兒並非拐擄乃其堂叔之親子叔與之同寓直剛因叔身故後婦欲改節故特取回此兒來叻欲送往學塾讀書耳泉憲訊畢乃諭云雖據所供如是但其理亦有不盡倘事有不平儘可向公庭控告此兒體依其母何可強為奪回似此所為亦殊可恨非重懲之曷由使其知儆因判將兩犯各監禁二年示戒

私載軍械案定讞 ○前報麻六甲巡差在絲絲寶密輪船搜獲洋鎗七箱一案業於十七日在甲地府堂審訊即經荷國駐叻副領事官偕同狀師奴魯申赴甲主控嗣經府尊訊定絲絲寶密輪船之司舟船主及管船人均屬無干省釋惟前者執獲之亞齊人三名乃係携帶洋鎗之人罪無可辭判各罰銀五百元尚有華人乘周於此案有所干涉亦屬咎有難辭因判罰銀一千五百元罰款不完則均監禁六閱月嗣諸人均已遵罰而案遂結矣因查此案之匪以及罰款等項共值六千元之多是亦一鉅款也


喻船助防 ○近接西班牙京來信云現在西廷業定議於小呂宋之海軍中再為增添戰船三艘以備守禦之需至其添助海軍之由諒因蘇祿近來際有不靖之事所致也

父子纏訟 ○前日本坡泉堂會訊一案乃父子纏訟者查此案由之起則因已故陳君坤水家業之事因陳君臨終之際曾立囑券內有言及所有田園產業等概歸其長子陳振勳及其所生之子承管然振勳不為為之典賣等語此案於陳君振勳乃律政司文涉及奴魯申狀師代理而陳君長子陳文德則延拿卑亞狀師代理而次子文政則延施申狀師代理致此事所以纏訟公庭者因陳君振勳欲明此業究竟歸於何人在陳君振勳之意則以為其產乃故父所遺應為已得而其二子則又別說一辭以為此乃伊祖所遺之物以與諸孫者而其父止能管業不得以之轉賣與人至其死後當歸諸孫各執一詞故在泉堂集訊二次兩造狀師辯論紛紛以故未幾決定迨至二十日始經兀廉訪斷定因聽兩造狀師所言均執一理惟本司當照立券人之意為之判斷始屬合宜查券內所言所有田園產業則歸陳振勳及其諸子管理而陳振勳不得將其典賣然則陳振勳在日僅能收其租稅而已而陳振勳若經逝世則歸其現在所有以及將來所生之子是陳振勳但能管業收租斷不能將其業為之變賣也至於狀師之禮及堂費等則由此業租稅中出云云諭畢兩造遂斷而退

奇技特出 ○西報云現有某西人出一奇技能以電機映照賊人之相其法將電機安放於夾萬之門及一切貨財之處如有匪人行竊觸動其機即能映其相於內事後可以憑相照緝是誠巧奪天功也今此人欲承攬此生意已稟請官憲給發牌照別人不得為之冒效云

機器新奇 ○數年前泰西之精於聲學者製成一器其形似桶中多耦取其蓋而語之重復封疊寄致遠處其人接得後而傾聽聲音宛然用以窺穿機密語言較之德律風實為便捷近有駕乎其精而又精者厥名曰記聲器創之者為美國人受第生如有名人偉論或菊部新詞收入器中隨時可以傾聽雖時數十載依然如一室劇談尤奇者有人製就一蠟人酷肖自己面貌將此器貯諸腹內開其關鍵則能歷歷自道生平幼時若何而讀書壯壯若何而游歷及至老之將至則優游杖履林下逍遙嬉遊之幾幾史記中大史公自序嗜是非巧

名鐵櫥出售



嘗思養生之道所最要者則惟飲食其次則惟睡眠然必須有以善其始始無意外此本行所備所以為
 之所共賞也最著本行所賣之鐵櫥久已馳名於東方一帶而於叻坡則聲名尤著至本
 行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊
 等所能開計其全身均用鐵製成並無雜以木料且諸櫥自前至今均為一式堅固而
 無有優劣之分至於名櫥大小不一而價值則約一百元至四百元凡用之者可保其不
 礙焚燒即遇火災亦無所損本行之鐵櫥實為叻坡諸華商所喜購而本行每年所沽亦
 殊不鮮茲特為之錄佈倘 諸君有惠顧者祈即玉臨選購為盼 大英一千八百八十九年十一月廿八號

烏密酒發售




啟者本行向由英國督辦各
 種美酒來叻發售久已遐邇
 馳名茲復由英新辦到顏爾
 士斗雲字號之狗頭標烏密
 酒到叻應沽此酒香美異常
 不惟飲之可口且能保養精
 神調和血氣常飲令人不生
 疾病誠酒國中上品也 諸
 君光顧應細看以上所列之
 狗頭標庶不致誤且價甚相
 宜倘 諸君有欲酌飲者請
 至本行取用可也此佈
 大英一千八百八十八年八
 月十五號 明嗎也洋行啟

三賣品酒



啟者本行督辦歐洲馳名三品洋酒來叻發售其酒係三頭次式發售有年沽飲 諸君莫不稱其香
 美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白三
 品酒者請細認本號招牌之內有小紙包頭詳華字號為據庶不致誤也 諸君若此字樣即
 係冒請為細認特此佈 聞 大英一千八百八十五年十二月十九號 明嗎也公司啟

蜜酒出賣



啟者本行由歐洲辦到上等密酒
 來叻發售其酒甚佳茲將標頭印出
 諸君光顧祈為細認免致有誤倘
 有無恥之徒假冒本行鎖匙標者本
 行定必嚴為控究再此酒不能販往
 加勝吧 三寶壟 泗里末
 望加錫 檳榔嶼 日裡等處其
 他各埠均能運往並此佈聞
 大英一千八百八十六年十一月十
 八號 天 明嗎也洋行謹啟


法國頂上蜂窠標萬蘭池酒出售



敬啟者茲本公司親由法國督辦頂上
 好萬蘭池酒來叻發售其酒清香濃郁
 醇厚異常飲之誠可令人長血氣壯筋
 骨悅顏色妙美無窮今市上所有萬蘭
 池酒無有能出其右者誠佐饌中妙品
 也至此酒惟本公司一家沽出餘無別
 家出售 諸君光顧請細認蜂窠標頭
 為記並細辨香味方不致誤價甚相宜
 倘有躉份之躉者祈早至 本行沽買
 是荷
 大英一千八百八十八年六月二十號
 大清光緒十四年五月十一日
 明嗎也公司謹啟



售出酒池蘭萬標仔危



啟者本公司所製之危仔標萬蘭池酒馳名已久乃在歐洲名家所製自一千八百一十九年相傳至今已閱七十年之久而其酒收存有幾十年方肯出而沽賣故其熱氣極已全消所以

均深獎譽在歐洲一帶各國之人無不喜飲此酒因其氣味清香遠勝於他酒故也是以本行特辦此酒來助發售自此酒到叻而後凡飲者無不感稱其美且此酒與本坡天氣屬合宜諸翁賜顧祈細心辨認以上所列各標頭并有不殺呼聲等西字為憑庶

售出酒池蘭萬標鐘金正



啟者本公司所督辦正金花鐘標萬蘭池酒久已馳名叻地華藉諸君子均喜用之現已議定與本坡酒公司包銷以應客沽凡諸翁有欲零購者請至酒公司沽買便得如買成起以便配往外處者仍可至本行沽買至此酒

製造之法精妙異常酒味甚清以之為釀者皆為上等之料保無偽充之弊此酒若在本坡沽飲甚屬合宜且價亦甚廉諸翁沽用須為留心辨認以防魚珠之混因
新嘉坡 嘉東 坡小 五項 家原 呼美 公酒 售發 認明 標印

免為珠目之混是所切禱
大英一千八百八十九年拾二月二號

不殺呼聲即前加珍洋行謹啟


如以上所黏各標頭無本行不殺呼聲華字者即屬假貨幸勿為之誤買本行有厚望焉

大英一千八百八十九年十二月三號
不殺呼聲即前加珍洋行謹啟

啟者本公司所有火寶 威老利為士 麻六甲 海龍 萬里洞 各輪船每逢拜二拜三拜五拜六等日往來叻處各船堅固快捷寬闊潔淨 諸君有欲附搭並配載貨物者祈至魯民中路頭即舊巴剎後本公司寫字樓內商酌可也此佈
大英一千八百九十年二月廿一號
實得力輪船公司
總理人莫綱謹啟

THE STRAIT STEAM SHIP COMPANY, LIMITED.
Head Office, the above Steamers,
Marine Parade, Singapore & Waterloo Street,
Penang.
Agents, Messrs. Guthrie & Co., 111, MATTHEWS, General Managers.

鐵櫥出售



啟者本行所售之鐵櫥在本坡馳名已久素蒙 諸君購用無不感稱其妙計此櫥之大小共有五等而價最少亦在九十五元以上而此鐵櫥乃歐洲著名工師所製極為美善本坡所有西人齊習人以及作椒密生理諸華商多向本行購買以為貯財之用因本行所沽者均用上等物料製造而成不惟能壯觀瞻而且異常堅固無論火燒盜劫均保無虞實美價廉莫此為甚倘 諸君有欲購此櫥以收藏重寶可至本行選閱是幸特此佈聞
大英一千八百九十年正月四號
不殺呼聲公司謹啟
加珍洋行不殺呼聲謹啟

故現已出票一體嚴拿而所獲諸人業經巡理府提訊一次而諸被告均延有狀師與其代訴故此案尚未經訊定因判押候二十四日再行覆訊應俟所訊如何再行錄報

花會案錄 ○本坡賭禁以花會白鴿票兩項為最嚴至於白鴿票一項久已不復聞之惟花會則依然未絕觀近來捕獲之犯多不勝言亦可見此等賭徒之眾矣有魯五弟者潮郡之客籍人寓居小坡新街向以私收花會為業前日正收花會之際詎巡差突至遂執獲魯等七人解案昨經府尊提訊除首犯魯五弟外其餘六人均係往為投買者厥罪稍輕故判各罰銀五元惟首犯乃為私收花會實為罪魁非重懲之無以為將來垂戒因判罰銀三百元無銀監禁六閱月

鬼靈犬義 ○客有由粵內抵叻者因言該處有奇聞一則其鬼之靈其犬之義實為得未曾有爰即其說而錄之據云該處有潮人名亞亨者忘其姓寓居丹戎檳榔地方已踰趙遜之年尚抱鄧攸之戚所幸膝前育女猶可強慰暮年夫婦之懷女生而性質聰明姿秀夙亨夫婦愛逾拱璧惟女性開解且最好潔不與俗儔惟愛花因在屋後小園拓地半弓自栽佳卉復飼一犬女最愛之自鬢齡即畜此犬至今已約十年眠食與俱頃刻不離左右而犬依女亦殊戀戀若姊妹然詎女方及笄年於去冬竟因病而殞一雲曇雲天香頓杳亨夫婦於此悲泣不勝然亦無可如何惟有卜地高原以為埋香之所而已詎犬自女死後即終日嗚嗚若泣飲食俱忘女死在床即守其屍既斃則守其棺及葬則守其墳一若人之廬莫者亨往喚回不顧也由是亨益憐之惟日使人携飯於女墓前以飼犬如是者已數日於茲矣近其母於一夕睡去忽夢女至輕綉綉顏色如生向母乞其生前所植之花母於夢中許之及醒訝其夢之奇因與亨言翌早往視羣花則大半已經零落惟地無花瓣竟如為人採去者方共詫問而犬忽暴暴而至竟將枝頭積葉以口咬折即忽忽出門亨夫婦異而尾之則見犬脚花枝直至女墳置於墳側而墓門之內先有花在焉就而視之即夜來所失者也於是亨夫婦不禁舌稱奇哉然而返乃犬自是即不復飲食輾轉數日遂斃於女墓之傍亨夫婦益悲悼不勝因憐其義即備小棺瘞犬於女之墓側並為樹短碣以旌其義云

災荒異獸 ○說部之中常載有女兒之國言其國內均為女子飲泉而孕若生男子即不能育此等之說大抵皆屬寓言乃觀暹羅異獸則竟有如所謂女兒國者可見六合之內無奇不有彼詭為怪者迨亦見豪駝為馬驢背之類耳茲據駐暹友人遞來郵簡云該處荒僻之區有山名蠻谷者產有異獸一種其狀頗類猴身作灰黑色遍人呼曰憐雙至此獸皆札類並無雄者據野老相傳謂此等之獸若受南風即能有孕所產皆札若其性也不過三日即死是獸也其鳴甚哀常呼伴件之聲每於深夜悲鳴能令聽者為之泣下還語呼夫曰伴然則此獸之聲殆若呼其夫婿者是以暹人常謂此等異獸為前生謀害親夫之人所化離屬不夜之說然亦可為薄俗稱示其微也

螟蛉負義 ○人生當盡無能往往環顧後生欲分其仔肩之任以為優慈杖履休養餘年何期老去龍鍾呱呱者猶虛膝下則夢闌未叶伯道終悲無兒念繼紹於其妻當有勝其隱憂者夫惟門祚衰微固自有義育螟蛉勉圖身後之計大都謂壯壯有兒門楣猶可復振故式穀似之亦可稍破窮民之無告夫向非我俗類其心自殊以有以恩兼如取屍命也何如蓋亦為晚景之所最難堪者耳廈門岐西保九條巷有吳阿吉者年逾耳順猶稱嬰縵之翁生平執業細微惟勤勤積積衣食之計亦稍裕如今則以老無能遂建一小雜貨店以為休養餘年之計惟吳生平命蹇老蚌猶未孕珠身後之計恒慮於懷故式穀似以綿似續乃於昔年曾在温州養有他人之子以相繼承惟該子時年甫十餘枯特俱失因為嗣之命其名曰吳枝益取瓜德綿絲枝葉善衍之意也不料枝賦性推魯雖就數多年難分亥豕及至稍長督其學實爰以肩挑生涯勉其逐利惟賦性既魯且復疎懶往往一暴十寒嘗較守業吳以抱伯道之憂未免珍如拱璧雖枝或作或輟督責不忍過嚴惟有聽其任性而已迨枝年已長成吳遂下向平之願以為壯當有室自必奮志經營以圖仰事俯蓄之費不料少成若性活計不圖且復日墜下流常與牧豬奴戲漸成癩癖有若一擲萬錢毫不知惜者自是吳以其所行不軌終為所慮故始則誨繼則勸而終則責詎知枝溺既深雖曰理訓森嚴俱若東風之吹馬耳不料於正月二十日枝復囊有多費潛為遁出以赴賭場交博何期賭者未佩管理餘費皆為賭兵攫去枝至是悔贖罪及惟已負去多費恐吳嚴於責問致干不便而欲作背城之戰又不知何處吳師故憂恐交集不敢賦歸流蕩外間已閱數天及至一日索然而歸即就內寢橫臥于床默然不語吳知其賭敗之故嚴於督責後着其媳從中勸導詎知枝率其乖謬之性竟持棒向妻作當頭一喝遂破一孔流血如注吳觀此情形不覺憤火中焚即赴室中欲以家法臨之而枝竟不以其為父也乃反擊之老夫已老何能為役遂被擊傷隣有聞之咸相勸止有好事者謂枝何以忍為此態乃曰不甘為吳義子須彼大破慳囊俾他復歸厥祖吳聞此耗亦以枝為不才子也乃出英銀數元給之以作川費枝遂附航復歸溫州云聞吳以其媳係由已備費所娶不許伊携他去而媳亦以其無賴亦不允為之追隨惟已誕一子媳則甘矢栢舟事翁撫子亦不為之芥蒂焉然則該媳之天性不亦遠勝於枝萬哉是吳猶有此媳弄孫含飴尚可稍娛晚景老而無子曰獨則此中之酸苦曷勝浩歎也夫如枝者是亦別具肺腸者矣

彘育誌奇 ○潮屬棉邑東門外有陳某者村住杏花帘招沽酒醞醞餘閒兼權性畜故其店常養有一母彘於去月中旬該彘忽然誕育計有四豚所最異者其後產之豚其首而人其身甚至手足之形與人無異惟能效人立以嘯啼其聲亦與諸豚有別生閱數日遂不與諸豚同嘯於是以為不祥遠近聞耗咸來聚觀究不敢定其休咎焉後陳乃將該豚放諸芳郊不為豢畜云

京報選錄

○太子少保兩江總督一等威毅伯臣曾國荃蘇巡撫臣剛毅護理漕運總督布政使銜淮海海道徐文達跪 奏為江
寧江蘇新漕分辦河運將運道事宜照案撥款趕辦恭摺仰祈 聖鑒事竊照光緒十五年奉蘇新漕自應循辦河運以歸舊章臣
剛毅督辦將起運事宜預為布置查明米數另片具奏惟辦塘必先治河江北運河數百里舊淺極多加以每年大汛山水挾沙而
下又增新淤除高郵馬棚淺隘太甚必須大加挑濬由臣國荃另片籌款札飭隄工局估辦外臣文達亦飭運司堵閉歸江各壩並將堰
河越壩照章填堵以蓄底水而順下遊惟清江以上順清河一帶前因防黃築壩兩年以來水過沙停不無淤墊必當挑挖深通以資浮送其
州宿遷長河一百餘里河寬而淺阻礙尤甚每屆漕船至此百計經營方得前進該處專受沂泗之水夏令來源甚微至次年春間東省築
挑河幾至涸涸斷離漕至宿遷東省必放湖水接濟但河身寬廣地勢建擬以久觀湖高之微山湖分濟兩省若任其散漫必至兩誤惟有早
蓄底水收東流為先事預籌之計擬照歷屆辦法將河清何定河成濶濶利運亨濟深流七開越河酌量堵閉上下游灘悉行挑挖俾水歸一河
不致分散虛耗再將宿遷以下之林工挑濬以下之徐家渡地方各築東水壩壩無闕之區河流有節底水不致淺枯將來湖水下注亦得有
所收束此外淤淺淺落或築壩抽水或擇要挑濬均即察看情形隨時妥辦惟是南河工需因各省協餉短缺本多不敷今辦漕塘要工事繁時
迫實屬無款可籌臣等擬照上屆成案在江安糧道庫撥銀二萬兩以濟急需其江蘇糧運道庫否協濟銀若干兩俟水災籌撥勘定再行酌撥
先由臣文達彙集墊用事竣之後歸於光緒十五年分工需案內分款造銷總期工歸履濟款不虛糜除由臣文達督飭工員認真趕辦外所有
寧蘇新漕分辦河運將運道事宜照案撥款趕辦緣由合詞繕摺具陳伏乞 皇上聖鑒訓示謹 奏奉 硃批著照所請該部知道欽此
○二品銜署甘肅新張布政使喀什噶爾道臣饒應祺跪 奏為恭報微臣接署藩篆日期叩謝 天恩仰祈 聖鑒事竊臣於署甘肅按察
使任內接奉督臣楊昌濬飭知署新張布政使喀什噶爾道袁堯齡因病出缺所遺藩司篆務委臣署理奉 硃批吏部知道欽此遵即交卸
甘肅臬篆馳赴新張奉 關印頭領任事伏思臣荆南下士關內微員知識庸愚無建樹送荷 九重之 特簡忝膺一道以分巡方供
職於關山復量移於葱嶺前已兩權臬事涓滴未酬茲更暫攝藩席除水淵滋揚受 恩逾重報稱益難查新張本創造之區藩司有旬宣之責理
財則來源悉資鄰省而節流實在所先用人則邊境端賴吏才而養民尤當務亟如臣樛昧懼不克勝惟有實力心矢勤矢慎遇事稟商護撫
臣認真講求妥為經理不敢以暫時署理稍涉因循以冀仰答 高厚鴻慈於萬一所有微臣接署藩篆日期並瀝下忱謹繕摺仰祈 天恩伏
乞 皇上聖鑒謹奏 硃批知道了欽此

開股火確 ○啟者本號新開苑生米確在芳琳巴瓦又開苑生火確在大公司酒廊邊倘 諸寶號欲僱春春米者請至米確或火確
面商可也如米確有種 諸寶號未必須本號在單內蓋印為憑其吊橋頭苑春米郊生理本號無份合應聲明此佈
大清光緒十六年二月廿二日 苑生公司謹啟

賑捐未止 ○啟者本號日前刊佈止捐定期一則係單止翎枝一件而貢監銜封仍舊收捐合應佈聞
大清光緒十六年二月二十二日 苑生公司章芳琳謹白

鷺江社勸捐小序 ○蓋聞道宜從一機易定立節之經偶不成雙麟史重持符之守所以栢舟矢志之死爾他於操誠心修貞不改
婦人守節良難我輩尤宜加勉矧茲廈島風號名區海慶安瀾蒞欣鳩集地稱沃壤民奠陽居或建恤孤之堂或立有嬰之局或築掩骸之塚或
結惜字之緣眾善各有章程苦節未聞矜恤夫丁年寡偶誰不含悲子舍之人更堪抱痛而况家徒壁立疇能無米之炊屋已瓦傾權藉編茅之
結淒涼五夜哀鴻悲歌怨恨一生哀鴻待哺目之所擊情何以堪亟集同人同襄義舉敢乞濟眾發慈悲心勉為措資全節孝志結髮者莫分錫
俸之餘藉紳耆合給鼠糗之費推之行商坐賈貿易莫吝傾囊及乎鸚鵡艇魚艘往來亦須題筆多者多寡者寡集腋可以成裘友其友親其親
腰何妨解橐 諸君垂鴻慈之念莫大陰功而孤孀得耐澗之蘇益堅貞節行茲善舉德遍及於九原定以良規立法期傳於百世固所願也
竊有請焉再本社兼辦惜字務祈 諸君一并捐題共完義舉是為序
大清光緒十六年二月廿二日 鷺江社董事 章桂苑 虞鳳鳴 梁慶璋 林維新 鄧書鵬 洪鑑鑑 王 翰 公啟

聲明告白 ○敬啟者永和會館邊門牌第九十八號福全隆於本月十二日遷在廟六甲街萬源隆內該生理以及貨物數項均歸陳
必達自行掌理倘諸君賜顧請至敝號相商然近聞有無恥之徒假冒本店字號與各寶號取貨殊堪痛恨茲特聲明嗣後本號貨物皆蓋福全
隆祿記圖章方可為憑如無本號圖章則為經手是問不干本號之事先此聲明免滋後論
大清光緒十六年二月二十一日 福全隆謹啟

大清光緒十六年二月二十一日

福全隆謹啟

福全隆謹啟

賽花會啟 ○啟者本坡賽花之會現已定於西本月二十五二十六號即華閏二月初六日在公家大花園內舉行所有花木茶蔬果品等均能羅賽而助嶼甲地所有盆景花木蔬果之佳者亦可到為相賽得以此判定低昂至於所有報賽之花則務於西本月廿四號即華閏二月初四日上午送交本會自能妥為照料不致有灌漑失調之患此緣英國皇太子將遊叻地屆指預計諒於是日可以行抵叻中當杜車駕以為遊觀想萬紫千紅得承皇太子垂青自必頓增聲價而本坡諸君子有轉花之癖者想亦樂選佳種得以時出色留擅芳名也特此預聞諸希 大英一千八百九十年三月十號 大清光緒十六年二月二十日 新嘉坡賽花會董事列里謹啟

報窮羅數告白 ○啟者因本坡麻六甲街第二十二及二十一號門牌長茂號林長喜前者生涯倒閉以致報窮一案茲欲將所業收之項分核攤償諸債主特此通知所有為林長喜欠項之人如該項尚未報明者須於西三月十四號即華二月廿四日以前將其所欠之項開列詳細清單到來報明一切倘逾期不來報明者乃為自誤不得在攤償之列特此聲明 大英一千八百九十年二月十四號 光緒十六年正月二十五日 辦理倒盤製窮事務人員何倫矣謹啟

美國紐最上等雪文發售 ○啟者茲本行有新到美國紐約地方所出之雪文一種堅實異常用以洗濯漆器等物甚為潔淨計所有漆器漆布樓枋桌椅等若經此雪文洗濯儼與新者無殊至於盤碗鼎鑊等物若有油污洗之立淨他如白鐵器物洗之亦無異於新者所有面盆浴桶及窻頭一切油膩所污之物一經洗濯無不鮮明異常但口說無憑用過方知其妙也 諸君賜顧宜細為辨認勿致有魚珠之混至於本店所沽者乃美國紐約意奴模頭公司所製較於別家尤勝故能馳名遠近也 諸君惠顧祈早 玉臨不勝厚幸 大英一千八百九十年二月十號 大清光緒十六年正月二十一日 不殺呼容洋行謹啟

售出酒密白



啟者本行親在歐洲督辦龜麥之白蜜酒及卑施拿之白蜜酒來叻發售其龜麥之酒係作飛燕標卑施拿之酒係作熊標其酒香美異常可以止渴潤腸且縱多飲亦不至有醉人之患在叻嶼甲各地以及蘇門答納慕娘暹羅安南等處 諸君均喜飲之而叻地各酒店更多購用本行之酒可見酒質之美故能廣擅銷場



而本行并有冷打馬號之威實枝酒及蘇禮勿蘭號之狗標加厘力酒均係西方佳釀且價廉味高與市釀大相逕庭而本行復有紙烟及歐洲各式烟發售更有威廚製造甚精而無雜以木料而其鎖鑰非盜賊所能開本行之沽賣此烟已有五十年之久素蒙諸君樂為購用并有製造水塊之小機器出售四點鐘內可製頂上水塊七磅精美異常 諸君有欲賜顧者請移玉惠臨選購為盼特此佈聞 大英一千八百八十九年十二月二號 葛士兄弟洋行告白

新到頂上呂宋烟及各式烟等發售 ○啟者茲本號常有新到頂上呂宋烟發售其烟乃本號親在小呂宋採辦上料精工監製至本坡發售其烟之名號如 刺因修刺 刺千士丹西亞 刺巴刺 下路高美打里路烏里因知等名烟無不俱備又荷蘭及刺馬即仰光烟亦常有便沽其荷蘭烟乃向荷京之蘭亞卓等家購至而刺馬即仰光之烟則向仰光曼多尼等諸名家購辦載來而本號并傳紙捲之烟乃將西國之頂上名煙捲就如成馬愧刺勞士 刺因修刺 卷兒那勿刺乙 瑞乙加波路等 各名煙均無不有此乃向美國卷兒那地方亞蘭仁打號所選購其香清越其味醇厚令人吸之心曠神怡迥非他家所及其土耳其之紙烟乃向土京毛刺池公司採辦而本號并有督辦頂上之棉不勞參及馳名之直里加士打即三金塔之美國烟發售以備 諸翁自行捲用並常有呂宋烟袋及各烟盒呂宋烟嘴等發售而烟嘴之款式甚多可備 諸客選擇前自辦各式烟袋如 威谷 高士模寶來乙 然 馬路居士 埃奧美等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至土庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞 大英一千八百八十九年十一月廿六號 打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因脩刺者烟此乃天下馳名久為眾士商所共悉其夏灣拿裝者乃特聘龜釐之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞翠采園中所產之頂上烟葉所製此烟於前者歐洲開設賽烟會之際曾經往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天為下而 諸士商所樂為之購買者也是以本號另行分枝一間在新嘉坡土庫花園邊第八號門牌吉靈拍賣館之隣以便諸紳商人等時加惠顧以應所需倘蒙 諸翁賜顧向懇移 玉前來以憑採辦本號於西國各烟無不備有且其價格格外從廉尚懇惠臨不勝厚幸特此再啟 英一千八百八十九年十一月廿六號 打峇基里亞幼尼巴西烟店謹白

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以應 諸君之聘倘有賜教者祈如期 惠臨為盼 大英一千八百九十年正月十一號 西國女醫威勞付謹啟

西國頂上密酒發售

Culmbacher Bock-Bier



頂上象頭標密酒出售



勞玉趾為荷
大英一千八百八十九年二月十七號
街與在與號為鄰 諸翁惠臨請
級買洋行啟

印度皇家洋面有限保險公司告白
諸君愛保洋面一切險事宜計該公司所集老本銀共三百萬盾之多所有保費概從廉取斷不至較別家為貴
大英一千八百八十九年十二月十四號
大清光緒十五年十一月廿二日
轉珍目兄弟洋行謹啟

納尼谷西洋面保有限公司告白
啟者茲本行承納尼谷西洋面保險有限公司總理人之命為駐叻之代理人代受洋面保險
一切事宜至於所保之險均與他家相同斷不多為濫索倘 諸君有船隻等項欲於洋面保險者請移玉惠臨相商為盼此佈
大英一千八百八十九年十二月十號
大清光緒十五年十一月廿二日
轉珍目兄弟洋行謹啟

啟者本館業經印就庚寅年之月份牌發售則中西字樣均為玲瓏工總與他家所印者不同且較對無訛與時盡善所定并繪畫春牛圖等各種圖畫於上所有白紙色紙設色白描各款俱備以憑選擇諸翁有欲置買者祈早 惠臨看閱價甚相宜此佈
本館謹啟

啟者茲本行親由歐洲督辦頂上正裝密酒來叻發售其酒香美異常且蒸製最為得法功能清涼解毒暑除煩於南洋尤屬相宜常常飲之可令人不沾暑濕癘疫等症茲特車來發售價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐蠻洋行啟

啟者本館有精牙各科器具前有刻便製器形圖如客商欲取看祈即通知付上分文不受舖在英京此佈
大英一千八百八十九年六月十九號
C. Hart & Sons, Golden Square, London, W. 鴉士行謹啟

啟者本行親由歐洲督辦頂上正裝密酒來叻發售其酒香美異常且蒸製最為得法功能清涼解毒暑除煩於南洋尤屬相宜常常飲之可令人不沾暑濕癘疫等症茲特車來發售價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐蠻洋行啟